



Sabtu, 22 Januari 2022
Ogen: Markus 9:28-29



"Engkai Kami La Ngasup"



Pernah nge kita kecewa erkiteken pertotonta la ijabab Dibata? Entah pernah nge kita mindo man Dibata tapi lenga iberekenNa kai si jadi pemindonta? Renungenta sendah, mabai kita ngangkai kerna penungkunen 'engkai maka kami la ngasup?' Enda penungkunen ajar-ajar Jesus si la ngasup mpelawes setan. Nina Jesus, ertoto ras erpuasalah. Enda dahin si hrus silakoken ope kita muat bagin i bas mpelawes setan. Kalak si nggo ngendesken geluhna arah toto ras erpuasa e maka ia me dalam si pake Dibata si nggo sikap guna mpelawes setan e.

Apai kita si pernah terlibat i bas mpelawes setan ntah ersura-sura nggit mpelawes setan. Persoalen mpelawes setan labo terjeng dahin pandita, pertua ntah pe diaken. Tapi, kita kerina banci ikut terlibat i bas pelawes setan-setan e adi kita nggo sikap e me mereken waktuta guna ertoto ras erpuasa. Sabab i je me, kita mereken dirinta guna ipake Dibata, siendesken dirinta man Dibata segelah Dibata sierdahin guna nampati kita mpelawes setan e.

Mbelin tuhu gegeh pertoton e, kalak si ngendesken dirina guna notoken kalak sideban ertina ia nggo ersikap mereken dirina ipake Dibata nampati kalak sideban. Lit resiko si man alanken adi ngalaken kuasa-kuasa kegelapen e, e maka perlu lalap ersikap. Enda me palas si jadi penungkunen ajar-ajar Jesus kerna alasan engkai maka ajar--ajar e la ngasup mpelawes setan e. Pengendesen diri e penting, i je me erdahin gegeh Kuasa Kesah Si Badia sierbahanca erpangna kita naluken doni enda. Sabap Dibata me singasup ngkuasai doni enda. ItalukenNa me kuasa doni enda seh maka talu kuasa e arah pengendesen dirinta man Dibata saja. Ngasup kita naluken kuasa kegelapen e sabap Dibata ras kita mereken kuasaNa si mbelin seh maka kita nggo siap makeken kuasa Jesus jadi senjatata.

Endesken Dirindu man Tuhan Arah Pertoton